

O D L U K U
O UTVRĐIVANJU KRITERIJA ZA
PRIJEM U ČLANSTVO REGISTRA
VRIJEDNOSNIH PAPIRA

Sarajevo, 2009. godine

Na osnovu člana 34. stav 4. Pravila Registra vrijednosnih papira u Federaciji Bosne i Hercegovine, broj : 04-2-NO-XXVIII-5206/09 od 28.10.2009. godine i člana 45. tačka 16. Statuta Registra vrijednosnih papira u Federaciji Bosne i Hercegovine («Službene novine Federacije BiH», broj 26/09), Nadzorni odbor Registra vrijednosnih papira u Federaciji BiH, na XXVIII-oj sjednici, održanoj dana, 28.10.2009. godine, na prijedlog direktorice i zamjenika direktora Registra vrijednosnih papira, donio je :

O D L U K U
O UTVRĐIVANJU KRITERIJA ZA
PRIJEM U ČLANSTVO REGISTRA
VRIJEDNOSNIH PAPIRA

I

Ovom odlukom utvrđuju se kriteriji za određivanje osnovnih kadrovskih, tehničkih i drugih uslova koje treba da ispunjava podnosilac zahtjeva za prijem u članstvo Registra vrijednosnih papira u Federaciji Bosne i Hercegovine (u daljem tekstu: Registar)

II

Podnosilac zahtjeva za prijem u članstvo Registra obavezan je da ispunjava slijedeće kadrovske uslove:

- da ima najmanje jednog zaposlenog sa dozvolom za obavljanje brokerskih i/ili dilerskih poslova, odnosno za poslove investicijskog savjetnika/menadžera Komisije za vrijednosne papire u Federaciji Bosne i Hercegovine (u daljem tekstu : Komisija),
- da je kod Registra pohađao obuku za obavljanje poslova sa Registrom.

Članovi sistema uvida u stanje obavezni su da ispunjavaju kadrovske uslove iz stava 1. alineja druga ove tačke.

III

Ispunjavanje uslova iz tačke II ove odluke podnosilac zahtjeva dokazuje ovjerenom fotokopijom prijave na penzijsko – invalidsko osiguranje i dozvole za obavljanje poslova Komisije, a za pohađanje obuke kod Registra dokaz je evidencija koja se vodi u Registru.

Dokaze o ispunjavanju uslova iz stava 1. ove tačke podnosilac zahtjeva će priložiti uz zahtjev za prijem u članstvo Registra.

IV

Podnosilac zahtjeva za članstvo Registra, pored kadrovskih dužan je da ispunjava i tehničke uslove, odnosno da raspolaže sa opremom koja je neophodna za obavljanje poslova sa Registrom kako slijedi:

1. HW zahtjevi

- Računarska oprema
 1. PC računar
 2. Štampač (opcionarno).

Karakteristike PC računara :

- min. 2 GHz Procesor
- min. 2 GB RAM
- 80 GB hard disk drive
- 100 Mbps Ethernet kartica (mrežna kartica)
- 17" monitor razlučivosti 1024x768

- Komunikaciona oprema
 1. Switch
 2. Router koji podržava ISDN konekciju ili ISDN modem
 3. ISDN linija

2. SW zahtjevi

Sistemska softver : Operativni system :

- Windows 2000 Professional – Service Pack 4 ili
- Windows XP Professional SP3 Ili
- Windows Vista SP1

- Regional Options, Location, Input Locals-Croatian i Language Settings –Central European (default);
- Time zone (GMT+01:00 Sarajevo, Skopje, Sofia, Vilnius, Warsaw, Zagreb)

Aplikacioni softver : Internet Explorer min. ver. 6 SP2.

3. Obaveze podnosioca zahtjeva za prijem u članstvo Registra

- Instalacija operativnog sistema na radnoj stanici(SW zahtjevi – tačka 2)
- Instalacija štampača (opcionarno)
- Konfigurisanje mreže (uvezivanje i konfigurisanje radne stanice, switch-a i router-a, obezbjeđivanje ISDN linije)

Navedene obaveze podnosilac zahtjeva za članstvo Registra, obavezan je ispuniti prije prijema u članstvo Registra.

4. Obaveze Registra

- Instalacija CSD klijenta na jednoj radnoj stanici
- Dodjela parametara za pristup centrali Registra preko CSD klijenta
- Dodjela username i password za člana Registra

Dokaz za ispunjavanje uslova iz stava 1. pod 1.i 2. ove tačke je potpisana i ovjerena izjava podnosioca zahtjeva da raspolaže sa opremom navedenom u ovoj tački, na osnovu koje će ovlaštena osoba Registra izvršiti neposredan uvid na sjedištu podnosioca zahtjeva.

Registar obaveze izvršava po prijemu u članstvo Registra.

V

Ukoliko podnositelj zahtjeva za prijem u članstvo Registra podnese zahtjev uz koji nije priložena odgovarajuća dokumentacija iz ove odluke, Registar će odmah po prijemu zahtjeva obavijestiti podnosioca zahtjeva da dopuni odnosno kompletira zahtjev sa naznakom dokumentacije koja nedostaje i u kojem roku je istu potrebno dostaviti.

Registar će po zahtjevu iz stava 1. ove tačke odlučivati nakon što se kompletira dokumentacija, odnosno po isteku roka za dopunu zahtjeva.

VI

Ova odluka stupa na snagu danom izdavanja saglasnosti Komisije za vrijednosne papire Federacije Bosne i Hercegovine.

Stupanjem na snagu ove odluke prestaje da važi Odluka o utvrđivanju kriterija za prijem u članstvo Registra vrijednosnih papira u Federaciji Bosne i Hercegovine, broj : 05-1-NO-XVIII-03/02 od 23.05.2002. godine.

Ova odluka će se objaviti na web stranici Registra (www.rvp.ba).

Broj: 04-2-NO- XXVIII- 5209/09

Predsjednik
Nadzornog odbora

Prof.dr. Adnan Rovčanin

Na ovu odluku Komisija za vrijednosne papire Federacije Bosne i Hercegovine je izdala saglasnost rješenjem, broj : 04/1-19-447/09 od 06.11.2009. godine.